

Հաստատում են  
Հայաստանի շախմատի  
ակադեմիայի



Հիմնադիր տնօրեն՝

Ս.Լպուտյան

«09» «փետրվարի» 2026թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԴՐՈՑԱԿԱՆՆԵՐԻ ՇԱԽՄԱՏԻ 20-ՐԴ  
ՕԼԻՄՊԻԱԴԱՅԻ Ի-IV ՓՈՒԼԵՐԻ ԱՆՑԿԱՑՄԱՆ  
2026թ.**

Հայաստանի շախմատի ակադեմիան, ՀՀ ԿԳՄՍ նախարարությունը և Հայկական բարեգործական ընդհանուր միությունը այս տարի նշում են իրենց համագործակցության  
**20-րդ հոբելյանը:**

Հայաստանի շախմատի ակադեմիան արդեն 20 տարի շարունակ՝ ՀՀ ԿԳՄՍ նախարարության աջակցությամբ և Հայկական բարեգործական ընդհանուր միության հովանավորությամբ, կազմակերպում է ՀՀ դպրոցականների շախմատի օլիմպիադան: Այս երկարամյա և արդյունավետ համագործակցությունը կարևոր դեր է ունեցել դպրոցականների շախմատային կրթության զարգացման և շախմատի մասսայականացման գործում:

# Կ Ա Ն Ո Ն Ա Կ Ա Ր Գ

## **1. Դպրոցականների շախմատի օլիմպիադայի նպատակներն ու խնդիրներն են.**

- 1) նպաստել ՀՀ դպրոցականների շրջանում շախմատ մարզաձևի զարգացմանը, լայն թափ հաղորդել նրա մասսայականացմանը,
- 2) շախմատ մարզաձևը նպատակաուղղել սովորողների բարոյաֆիզիկական և հոգևոր հատկանիշների դաստիարակմանը,
- 3) նպաստել դպրոցականների ունակությունների և հմտությունների զարգացմանը, նպատակաուղղվածության դաստիարակմանը,

## **2. Շախմատի օլիմպիադայի կազմակերպումը.**

Հայաստանի շախմատի ակադեմիա – կազմակերպիչ

ՀՀ կրթության, գիտության, մշակույթի և սպորտի նախարարություն - աջակից

Հայկական բարեգործական ընդհանուր միությունը (ՀԲԸՄ) – գլխավոր հովանավոր

## **3. Շախմատի օլիմպիադայի մասնակիցները, փուլերը և անցկացման ժամկետները.**

- 1) Շախմատի օլիմպիադայի մրցաշարերին կարող են մասնակցել մինչև 14 տարեկան դպրոցականները (2012թ. և բարձր):
- 2) Շախմատի օլիմպիադան անցկացվում է թիմային հաշվարկով (թիմը բաղկացած պետք է լինի 4 աշակերտից, որոնցից առնվազն 1-ը՝ աղջիկ):
- 3) Շախմատի օլիմպիադան անցկացվում է չորս փուլերով:

### **I փուլ - ներդպրոցական մրցումներ:**

Այս փուլի նախապատրաստման և անցկացման պատասխանատվությունը դրվում է հանրակրթական ուսումնական հաստատությունների տնօրենների վրա:

Հայաստանի Հանրապետության բոլոր հանրակրթական դպրոցները կազմակերպում և անցկացնում են ներդպրոցական մրցումներ մինչև 14 տարեկան դպրոցականների միջև՝ դպրոցի հավաքական թիմ (թիմը բաղկացած պետք է լինի 4 աշակերտից, որոնցից առնվազն 1-ը՝ աղջիկ) ընտրելու նպատակով, որը և կմասնակցի հաջորդ՝ համայնքային (տարածաշրջանային) II փուլին:

Ժամկետը՝ 2026թ. փետրվարի 10-ից մինչև մարտի 7-ը:

II – IV փուլերն անցկացնում է Հայաստանի շախմատի ակադեմիան:

***II փուլին մասնակցելու հայտին կից բոլոր դպրոցները պետք է ներկայացնեն մրցաշարի անցկացման աղյուսակը:***

### **II փուլ - համայնքային (տարածաշրջանային) մրցումներ:**

Մասնակցում են նախորդ փուլում իրավունք նվաճած դպրոցների հավաքական թիմերը:

Անցկացվում է մեկ ընդհանուր թիմային մրցաշար: Յուրաքանչյուր համայնքի (տարածաշրջանի) հաղթող թիմը դուրս է գալիս III՝ մարզային փուլ:

Ժամկետը՝ 2026թ. ապրիլի 20-ից մինչև մայիսի 10-ը:

Երևանի վարչական շրջանների մրցումները կանցկացվեն 2026թ. մարտի 11-ից 20-ը:

### **III փուլ - մարզային մրցումներ:**

Մասնակցում են II փուլի հաղթող թիմերը: Այս փուլից եզրափակիչ են դուրս գալիս Երևանից՝ 3, իսկ մարզերից՝ 1- ական թիմ:

Ժամկետը՝ 2026թ. մայիսի 11-ից մինչև մայիսի 22-ը:

### **IV փուլ - եզրափակիչ:**

Մասնակցում են III փուլի հաղթող թիմերը:

Ժամկետը՝ 2026թ. հոկտեմբերի 12-ից մինչև նոյեմբերի 6-ը:

### **4. Շախմատի օլիմպիադայի փուլերի անցկացման կանոնները.**

1) Մրցաշարի II-IV փուլերն անցկացվում են ՖԻԴԵ-ի արագ շախմատի կանոններով:

2) Խաղացողին տրվում է 10 րոպե մինչև խաղի ավարտը՝ յուրաքանչյուր քայլի համար 5 վայրկյան հավելումով:

3) II փուլում կանցկացվի թիմային մրցաշար՝ շվեյցարական մրցակարգով:

Մրցանակային տեղերը կորոշվեն ըստ.

ա) թիմային միավորների հանրագումարի (հաղթանակը գնահատվում է՝ 2 միավոր, ոչ-ոքին՝ 1 միավոր, պարտությունը՝ 0 միավոր).

բ) թիմի անդամների անհատական արդյունքների հանրագումարի.

գ) թիմերի անհատական հանդիպման արդյունքի.

դ) եթե այդ ցուցանիշն էլ է հավասար, ապա անցկացվում է լրացուցիչ մրցախաղ (մրցաշար -մրցախաղ՝ կայծակնային խաղի կանոններով յուրաքանչյուր, խաղացողին տրվում է 5-ական րոպե):

Թիմերի քիչ քանակի դեպքում հնարավոր է.

ա) մրցաշարն անցակացնել 7 կամ 5 խաղափուլով,

բ) անցակացնել թիմային մրցաշար՝ շրջանային մրցակարգով:

3) III փուլում, ինչպես նաև IV՝ եզրափակիչ փուլում կանցկացվի թիմային մրցաշար՝ շրջանային մրցակարգով:

Մրցանակային տեղերը կորոշվեն ըստ.

ա) թիմի անդամների անհատական արդյունքների հանրագումարի.

բ) թիմային միավորների հանրագումարի (հաղթանակը գնահատվում է՝ 2 միավոր, ոչ-ոքին՝ 1 միավոր, պարտությունը՝ 0 միավոր).

գ) թիմերի անհատական հանդիպման արդյունքի.

դ) եթե այդ ցուցանիշն էլ է հավասար, ապա անցկացվում է լրացուցիչ մրցախաղ (մրցաշար-մրցախաղ՝ կայծակնային խաղի կանոններով յուրաքանչյուր, խաղացողին տրվում է 5-ական րոպե):

**ՈՒՇԱԴՐՈՒԹՅՈՒՆ.** I-III փուլերի մասնակիցները իրավունք ունեն մասնակցելու եզրափակիչ փուլին, նույնիսկ եթե տեղափոխվել են այլ դպրոց: